

თსუ სოციალურ და პოლიტიკურ მეცნიერებათა ფაკულტეტი

სამაგისტრო ნაშრომის დაცვის წესი

1. სამაგისტრო ნაშრომის მიზანი

სამაგისტრო ნაშრომის მიზანია სწავლის პროცესში მიღებული ცოდნის სისტემატიზაცია - დარგობრივი ცოდნის, კვლევითი, შემოქმედებითი თუ პრაქტიკული უნარ-ჩვევების გამოვლენა. ნაშრომში უნდა აისახოს სწავლების მოცემულ საფეხურზე შეძენილი თეორიული და პრაქტიკული ცოდნა. კერძოდ, სფეროს ღრმა და სისტემური ცოდნა, მათ შორის, ისეთი სპეციფიკური მეთოდების/საკითხების, რომელთა ძირითადი ნაწილიც ასახავს კვლევაზე დაფუძნებულ ახალ ცოდნას ან/და პროფესიულ პრაქტიკას.

სამაგისტრო ნაშრომი წარმოადგენს სტუდენტის მიერ ინდივიდუალურად, გამონაკლის შემთხვევაში არა უმეტეს 2 თანაავტორის მიერ შესრულებულ სამუშაოს. თანაავტორობისას ანოტაციაში გამოკვეთილი და მითითებული უნდა იყოს თითოეული მონაწილის წვლილი.

სტუდენტმა სამაგისტრო ნაშრომში უნდა შეძლოს კომპლექსური პრობლემების გადანწყვეტის ახალი, ორიგინალური გზების მოძიება, უნდა გამოავლინოს კვლევის დამოუკიდებლად განხორციელების უნარი უახლესი მეთოდებისა და მიდგომების გამოყენებით. ნაშრომში უნდა ჩანდეს, რომ სტუდენტს შეუძლია კომპლექსური ინფორმაციის (მათ შორის უახლესი კვლევების) კრიტიკული ანალიზის საფუძველზე დასაბუთებული დასკვნების ჩამოყალიბება, მონაცემებზე დაყრდნობით ინფორმაციის ინოვაციური სინთეზი და შეფასება. ნაშრომში შემოქმედებითად უნდა იყოს გამოყენებული თანამედროვე საინფორმაციო და საკომუნიკაციო ტექნოლოგიები დარგის თავისებურებების გათვალისწინებით.

2. სამაგისტრო ნაშრომის თემის შერჩევა და ხელმძღვანელი

მეოთხე/დამამთავრებელი სემესტრის დასაწყისში, აკადემიური რეგისტრაციისთვის დადგენილ ვადებში, მაგისტრანტი სასწავლო ბარათში (lms.tsu.ge) თავის სამაგისტრო პროგრამის ფარგლებში რეგისტრირდება საგანზე: „სამაგისტრო ნაშრომი“. სემესტრის დაწყებიდან 2 კვირის განმავლობაში სამაგისტრო ნაშრომების სავარაუდო სათაურებს და ხელმძღვანელების კანდიდატურებს შესაბამისი სამაგისტრო პროგრამების ხელმძღვანელები გადასცემენ ფაკულტეტის სასწავლო პროცესის მართვის სამსახურს ფაკულტეტის ვებგვერდზე ასატვირთად.

ნაშრომის ხელმძღვანელ(ებ)ი შეიძლება იყოს შესაძლებელია იყოს, როგორც შესაბამისი მიმართულების აკადემიური პერსონალი, ისე მონვეული ლექტორიც. სამაგისტრო თემის

ხელმძღვანელი ორგანიზებას უწევს ნაშრომის თემის შერჩევას, კვლევის ჩატარებისა და ნაშრომის დასაცავად წარდგენის პროცესს.

3. სამაგისტრო ნაშრომის შესრულების ენა

სამაგისტრო ნაშრომი შესრულებული უნდა იყოს ქართულ ენაზე (გარდა იმ შემთხვევებისა, როდესაც სწავლება მიმდინარეობს სხვა ენაზე).

უცხოენოვანი სამაგისტრო პროგრამის სტუდენტები ნაშრომს წარმოადგენენ იმ ენაზე, რა ენაზეც მიმდინარეობს სწავლება.

4. სამაგისტრო ნაშრომის სტრუქტურა

სამაგისტრო ნაშრომი შედგება შემდეგი კომპონენტებისაგან:

- ✓ თავფურცელი (სატიტულო ფურცელი);
- ✓ ანოტაცია (ქართულ და უცხო ენებზე თემის სათაურის მითითებით)
- ✓ სარჩევი (შინაარსი);
- ✓ შესავალი;
- ✓ ტექსტის ძირითადი ნაწილი;
- ✓ დასკვნა;
- ✓ გამოყენებული ლიტერატურის ნუსხა;
- ✓ დანართები (არსებობის შემთხვევაში).

სამაგისტრო ნაშრომს დანართის სახით უნდა ახლდეს სატიტულო ფურცლის ინგლისური თარგმანი. დეტალური ინფორმაცია თითოეული კომპონენტის დიზაინის შესახებ იხილეთ დანართ #1-ში.

5. სამაგისტრო ნაშრომის დაცვა

ა) სამაგისტრო ნაშრომის წინასწარი დაცვა

სამაგისტრო ნაშრომის საჯარო დაცვის გრაფიკს სამაგისტრო პროგრამების ხელმძღვანელებთან შეთანხმებით ადგენს სასწავლო პროცესის მართვის სამსახური. გრაფიკი მტკიცდება ფაკულტეტის დეკანის ბრძანებით.

წინასწარი დაცვა ინიშნება სამაგისტრო ნაშრომის საჯარო დაცვამდე. წინასწარი დაცვა ყველა სამაგისტრო პროგრამებისთვის ტარდება 6 (ექვსი) სამუშაო დღის განმავლობაში სამაგისტრო ნაშრომის საჯარო დაცვის საწყის თარიღამდე, სულ მცირე, 40 (ორმოცი) კალენდარული დღით ადრე.

სამაგისტრო ნაშრომის წინასწარი დაცვა/დაცვა ხდება საჯაროდ, დეკანის ბრძანებით დამტკიცებული კომისიის წინაშე, რომელიც შედგება 5 წევრისაგან. კომისიის წევრი შეიძლება იყოს მაგისტრანტის ხელმძღვანელიც, მაგრამ ის არ მონაწილეობს მისი ხელმძღვანელობით შესრულებული ნაშრომის პრეზენტაციის შეფასებაში.

წინასწარი დაცვის ოქმი წარედგინება სასწავლო პროცესის მართვის სამსახურს დაცვის შემდეგ არაუგვიანეს 1 (ერთი) სამუშაო დღისა.

ბ) სამაგისტრო ნაშრომის წარდგენა და საჯარო დაცვა

საჯარო დაცვები ყველა სამაგისტრო პროგრამისთვის ჩატარდება 6 (ექვსი) სამუშაო დღის განმავლობაში, სემესტრის დამთავრებამდე არა უგვიანეს 7 (შვიდი) სამუშაო დღით ადრე.

სამაგისტრო ნაშრომი მოწმდება პლაგიატზე ელექტრონული პროგრამა „Turnitin“-ის გამოყენებით. ამ მიზნით სამაგისტრო ნაშრომის დაცვამდე მაგისტრანტი დასრულებული ნაშრომის ელექტრონულ ვერსიას, პლაგიატზე შესამოწმებლად, ატვირთავს სპეციალურ ბმულზე, რომელიც მიბმულია თბილისის სახელმწიფო უნივერსიტეტის ელექტრონული სწავლების პორტალზე e-learning.tsu.ge.

ნაშრომის ატვირთვის ინსტრუქცია, ატვირთვის თარიღის მითითებით, გამოქვეყნდება სოციალურ და პოლიტიკურ მეცნიერებათა ფაკულტეტის ვებ-გვერდზე წინასწარ დაცვამდე არა უგვიანეს 10 (ათი) კალენდარული დღით ადრე. ნაშრომის ატვირთვის ვადების დარღვევის შემთხვევაში, სტუდენტი ვერ ატვირთავს ნაშრომს და დაცვაზე არ დაიშვება. ამავე ინსტრუქციაში მოცემული იქნება პლაგიატის სახეების დეტალური განმარტება და ასეთის აღმოჩენის შემთხვევაში მასზე რეაგირების მექანიზმი.

სამაგისტრო ნაშრომების პლაგიატზე შემოწმების დასრულების შემდგომ, მაგრამ დაცვამდე არა უგვიანეს 10 (ათი) კალენდარული დღით ადრე, შემოწმებული ნაშრომი, რომელშიც არ არის აღმოჩენილი პლაგიატი, გადაეცემა სასწავლო პროცესის მართვის სამსახურს. ეს უკანასკნელი უგზავნის ნაშრომს სამაგისტრო ნაშრომის ხელმძღვანელს, რეცენზენტს და კომისიის წევრებს დაცვამდე 9 (ცხრა) კალენდარული დღით ადრე. სტუდენტმა უნდა წარმოადგინოს დაცვაზე წარდგენილი ნაშრომის ნაბეჭდი ვერსია. ნაშრომი უნდა იყოს აკინძული (ზამბარით ან ყდაში ჩასმული).

ნაშრომის ნაბეჭდი ვერსია უნდა ემთხვეოდეს პლაგიატზე შემოწმებულს. ვერსიების აცდენის შემთხვევაში სტუდენტი დაცვაზე არ დაიშვება და აიღებს დამატებით სემესტრს.

ხელმძღვანელი და რეცენზენტი დაცვამდე 4 (ოთხი) დღით ადრე წერილობითი ფორმით უგზავნიან სასწავლო პროცესის მართვის სამსახურს დასკვნას/რეცენზიას, რომელშიც ისინი აფასებენ

მაგისტრანტის ნაშრომს წინასწარ დადგენილი კრიტერიუმებით. მაგისტრანტი დაცვაზე დაიშვება სამაგისტრო თემის ხელმძღვანელის და რეცენზენტის დადებითი შეფასების შემთხვევაში.

სამაგისტრო ნაშრომი ფასდება 100 ქულიანი სისტემით (იხილეთ შეფასების კრიტერიუმები). სამაგისტრო ნაშრომი დაცულად ჩაითვლება და მაგისტრანტს შესაბამისი კრედიტი მიენიჭება წინასწარ დადგენილი მინიმალური ზღვარის გადალახვის შემთხვევაში (არანაკლებ 51 ქულა). სამაგისტრო ნაშრომის არადამაკმაყოფილებლად (F/FX) შეფასების შემთხვევაში, მისი დაცვაზე წარდგენა იმავე სემესტრში დაუშვებელია. კომისიის გადაწყვეტილება საბოლოოა.

დაცვიდან 1 (ერთ) სამუშაო დღეში სამაგისტრო ნაშრომის დაცვის ოქმი წარედგინება ფაკულტეტის სასწავლო პროცესის მართვის სამსახურს, მაგისტრანტის სასწავლო ბარათში შეფასების ქულის შესატანად. სამაგისტრო ნაშრომი თანდართული ხელმძღვანელის შეფასებით და რეცენზიით ინახება სამაგისტრო პროგრამის ხელმძღვანელთან.

სამაგისტრო ნაშრომის შეფასების კრიტერიუმები (მეღია და ახალი ტექნოლოგიების სამაგისტრო პროგრამის გარდა)

<p>I ნაშრომის შეფასება (ფასდება რეცენზენტის მიერ)</p>	<p>მაქსიმუმ 40 ქულა (მაგისტრანტი დაცვაზე დაიშვება თუკი რეცენზენტი მის ნაშრომს შეაფასებს მინიმუმ 21 ქულით)</p>
<p>ა) აქტუალობა (ფასდება თემის აქტუალობა და სიახლე)</p>	<p>მაქსიმუმ 5 ქულა</p>
<p>ბ) კვლევის მეთოდოლოგია (ფასდება მიზნებისა და ამოცანების ადეკვატურობა, საკვლევო კითხვის/ჰიპოთეზის გამართულობა, დამოკიდებულ და დამოუკიდებელ ცვლადებს შორის მიმართებების დადგენის სისწორე (საჭიროების შემთხვევაში), გამართული და კვლევის მიზანთან მისადაგებული კვლევის დიზაინი, ემპირიული მონაცემების ანალიზის სრულყოფილად წარმოდგენა)</p>	<p>მაქსიმუმ 10 ქულა</p>
<p>გ) ლიტერატურის მიმოხილვა და თეორიული კომპონენტი (ფასდება რელევანტური, თანამედროვე და მდიდარი ლიტერატურის, მათ შორის უცხოურენოვანი წყაროების, დამუშავების სრულყოფილება, თეორიული მასალის ცოდნა, მისი წვლილი საკითხის შესწავლაში პრაქტიკული ან თეორიული თვალსაზრისით)</p>	<p>მაქსიმუმ 10 ქულა</p>
<p>დ) ანალიზისა და არგუმენტაციის უნარი (ფასდება ავტორის მსჯელობის თანმიმდევრულობა, მიზეზ- შედეგობრივი კავშირების დადგენისა და ადეკვატური დასკვნების გამოტანის უნარი, დასკვნების ლოგიკურობა, მათი გამომდინარეობა ძირითადი ტექსტიდან)</p>	<p>მაქსიმუმ 10 ქულა</p>

<p>ე) ნაშრომის ფორმალური და ენობრივ-სტილისტური მხარე (ფასდება წარმოდგენილი მასალის კორექტურული და სტილისტური სისწორე, წყაროების მითითების სისრულე და კორექტულობა, რუკების, ცხრილების, გრაფიკების შესაბამისობა და შესრულების ხარისხი, ნაშრომის გაფორმება, სტანდარტებთან შესაბამისობა, APA/ტურაბიანის სტილის დაცვა)</p>	<p>მაქსიმუმ 5 ქულა</p>
<p>II მაგისტრანტის სამაგისტროზე მუშაობის პროცესის შეფასება (ფასდება ხელმძღვანელის მიერ)</p>	<p>მაქსიმუმ 20 ქულა (მაგისტრანტი დაცვაზე დაიშვება თუკი ხელმძღვანელი მის ნაშრომს შეაფასებს მინიმუმ 10 ქულით)</p>
<p>ა) ხელმძღვანელთან კომუნიკაცია (ფასდება ხელმძღვანელთან კომუნიკაცია, ხელმძღვანელის მიერ მიცემული რეკომენდაციების/რჩევების გათვალისწინება, დროის მენეჯმენტი)</p>	<p>მაქსიმუმ 10 ქულა</p>
<p>ბ) მაგისტრანტის დამოუკიდებლად მუშაობის უნარი (ფასდება მაგისტრანტის მოტივაცია, თემით და კვლევის პროცესის მიმართ ინტერესი, დამოუკიდებლად კვლევის წარმართვის უნარი, რელევანტური და მრავალფეროვანი ლიტერატურის მოძიებისა და მათი კრიტიკული ანალიზის უნარი)</p>	<p>მაქსიმუმ 10 ქულა</p>
<p>III. პრეზენტაციის შეფასება (ფასდება კომისიის წევრების მიერ ნაშრომის საჯარო დაცვის დროს)</p>	<p>მაქსიმუმ 40 ქულა (ნაშრომი დაცულად ჩაითვლება თუკი მაგისტრანტი საჯარო დაცვაზე მიიღებს მინიმუმ 20 ქულას)</p>
<p>ა) პრეზენტაციის შინაარსობრივი მხარე ფასდება ზეპირი პრეზენტაციის შინაარსობრივი გამართულობა, სტრუქტურა, გამოყენებული მეთოდები, ანალიზის ადეკვატურობა, დასკვნების (საჭიროების შემთხვევაში რეკომენდაციების) გამართულობა</p>	<p>მაქსიმუმ 10 ქულა</p>
<p>ბ) არგუმენტირების და დასკვნის უნარი (ფასდება ავტორის მსჯელობის თანმიმდევრულობა, მიზნობრივ-შედეგობრივი კავშირების დადგენის უნარი, დასკვნების გამოტანის უნარი, დასკვნების სისწორე და</p>	<p>მაქსიმუმ 10 ქულა</p>

ლოგიკურობა, მათი გამომდინარეობა ძირითადი მსჯელობიდან)	
გ) ნაშრომის ვიზუალური მხარე და მომხსენებლის საპრეზენტაციო უნარი (ფასდება ნაშრომის შინაარსისა და შედეგების წარმოდგენის ვიზუალური (ტექნიკური და ესთეტიკური) მხარე, თვალსაჩინო მასალის არსებობა, მისი ადეკვატურობა და ხარისხი; წახალისდება პრეზენტაციის თანამედროვე ტექნოლოგიების გამოყენება, მაგ: PowerPoint, დიგიტალური რუკები, ცხრილები, გრაფიკები...)	მაქსიმუმ 10 ქულა
დ) კომუნიკაციის უნარი (ფასდება კომისიის წევრებისა და აუდიტორიის კითხვებზე პასუხი და შენიშვნებზე კომენტარები, მათ შორის რეცენზენტის შენიშვნებსა და რეკომენდაციებზე)	მაქსიმუმ 10 ქულა

**„მედია და ახალი ტექნოლოგიების პროგრამის“
სამაგისტრო პროექტის შეფასების კრიტერიუმები:**

1. სამაგისტრო პროექტის შეფასება რეცენზენტის მიერ	მაქს. 40 ქულა
1.1. კვლევითი კომპონენტი: <ul style="list-style-type: none"> ➤ აქტუალობა და სიახლე - 8 ქულა; ➤ ანალიზისა და დასკვნის უნარი - 8 ქულა; ➤ ენა და სტილი - 4 ქულა 	20 ქულა
1.2. პრაქტიკული პროდუქტი: <ul style="list-style-type: none"> ➤ შინაარსობრივი მხარე - 7 ქულა ➤ ობიექტურობა და ფაქტობრივი მასალის სიზუსტე - 7 ქულა ➤ ინფორმაციის წყაროები - 3 ქულა ➤ ენა და სტილი - 3 ქულა 	20 ქულა

2. ხელმძღვანელის შეფასება	მაქსიმუმ 20 ქულა (მაგისტრანტი დაცვაზე დაიშვება თუკი ხელმძღვანელი მის ნაშრომს შეაფასებს მაქს. 10 ქულით)
2.1 ხელმძღვანელთან კომუნიკაცია (ფასდება ხელმძღვანელთან კომუნიკაცია, ხელმძღვანელის მიერ მიცემული რეკომენდაციების/რჩევების გათვალისწინება, დროის მენეჯმენტი)	მაქს. 10 ქულა
2.2. მაგისტრანტის დამოუკიდებლად მუშაობის უნარი (ფასდება მაგისტრანტის მოტივაცია, თემით და კვლევის პროცესის მიმართ ინტერესი, დამოუკიდებლად კვლევის წარმართვის უნარი, რელევანტური და მრავალფეროვანი ლიტერატურის მოძიებისა და მათი კრიტიკული ანალიზის უნარი)	მაქს. 10 ქულა
3. ნაშრომის წარდგენა (პრეზენტაცია) (ფასდება კომისიის წევრების მიერ ნაშრომის საჯარო დაცვის დროს)	მაქსიმუმ 40 ქულა (ნაშრომი დაცულად ჩაითვლება თუკი მაგისტრანტი საჯარო დაცვაზე მიიღებს მინიმუმ 21 ქულას)
3.1 პრეზენტაციის ვერბალური მხარე <ul style="list-style-type: none"> ➤ მასალის ფლობა –10 ქულა ➤ ანალიზის, არგუმენტირების და დასკვნის უნარი –5 ქულა ➤ აუდიტორიასთან კომუნიკაციის უნარი –10 ქულა ➤ კამათისა და დაცვის უნარი - 10 ქულა 	მაქს. 35 ქულა
3.2 ტექნიკური და ვიზუალური მხარე საინფორმაციო და საკომუნიკაციო ტექნოლოგიების შემოქმედებითად გამოყენების უნარი	მაქს. 5
3.3 ნაშრომის საბოლოო შეფასება რეცენზენტის ქულა + კომისიის მიერ პრეზენტაციის შეფასება	მაქსიმუმ 100 ქულა (დადებითი შეფასება მინიმუმ 51 ქულით)

სამაგისტრო ნაშრომის გაფორმება

სამაგისტრო ნაშრომის სტრუქტურა

სამაგისტრო ნაშრომი შედგება შემდეგი კომპონენტებისაგან:

1. თავფურცელი (სატიტული ფურცელი); ანოტაცია (ქართულ და ინგლისურ ენებზე თემის სათაურის მითითებით);
2. სარჩევი (შინაარსი);
3. შესავალი;
4. ტექსტის ძირითადი ნაწილი;
5. დასკვნა;
6. გამოყენებული ლიტერატურის ნუსხა;
7. დანართები (არსებობის შემთხვევაში).
8. სამაგისტრო ნაშრომს დანართის სახით უნდა ახლდეს სატიტულო ფურცლის ინგლისური თარგმანი.

თავფურცელი (სატიტულო ფურცელი) – ივსება მკაცრად განსაზღვრული წესის

მიხედვით:

- ფურცლის თავში უნდა მიეთითოს უმაღლესი სასწავლო დაწესებულების
- სრული დასახელება, სადაც შესრულდა სამაგისტრო ნაშრომი (შრიფტის ზომა 18)
- უმაღლესი სასწავლო დაწესებულების დასახელების ქვევით, 2-3 სმ-ის დაშორებით იწერება მაგისტრანტის სახელი და გვარი (სახელობით ბრუნვაში, შრიფტის ზომა 16);
- შუა ნაწილში იწერება სამაგისტრო ნაშრომის სახელწოდება (შრიფტის ზომა 16) (მას არ მიეწერება სიტყვა “თემა” და ბრჭყალებში ჩასმას არ საჭიროებს);
- სათაურის შემდეგ იწერება სამაგისტრო პროგრამის დასახელება (შრიფტის ზომა 14);
- სამაგისტრო პროგრამის სახელწოდების ქვემოთ იწერება მისანიჭებელი აკადემიური ხარისხი (შრიფტის ზომა 14) (მაგ: სამაგისტრო ნაშრომი შესრულებულია სოციოლოგიის მაგისტრის აკადემიური ხარისხის მოსაპოვებლად);
- თავფურცლის მარჯვენა ქვედა მხარესთან მიეთითება სამაგისტრო ნაშრომის ხელმძღვანელის სახელი, გვარი, სამეცნიერო ხარისხი, წოდება, აკადემიური თანამდებობა;
- სულ ქვემოთ შუა ნაწილში იწერება სამაგისტრო ნაშრომის შესრულების

ადგილი/ქალაქი და წელი ციფრებით.

ანოტაცია - აისახება თემის აქტუალობა, მიზნები, ამოცანები, კვლევის საგანი, ობიექტი, ძირითადი შედეგები, სიახლე; მოცულობა 300 სიტყვა; უნდა დაინეროს როგორც ქართულ ასევე ინგლისურ ენაზე თემის სათაურის მითითებით. უცხოენოვანი ვარიანტი უნდა შეიცავდეს თემის დასახელებას, ავტორის გვარს და ინიციალებს. ჯგუფური პროექტის შესრულებისას ანოტაციაში უნდა გამოიკვეთოს და მიეთითოს თითოეული მონაწილის წვლილი.

შინაარსი (სარჩევი) – ასახავს სამაგისტრო ნაშრომის სრული ტექსტის ყველა თავისა და პარაგრაფის ზუსტ დასახელებას თანმიმდევრულად მათი გვერდების ნომრის მარჯვენა მხარეს მითითებით. გვერდების ნუმერაცია უნდა მოხდეს სარჩევის მომდევნო გვერდიდან თავფურცლის, ანოტაციის და შინაარსის გვერდების რაოდენობის გათვალისწინებით.

შესავალი – წარმოადგენს ნაშრომის ზოგად ნაწილს, რომელშიც უნდა აისახოს არჩეული თემის აქტუალობის დასაბუთება, მიზნები, დასმული ამოცანების შინაარსი, საკვლევი საგნისა და ობიექტის ფორმულირება, კვლევისათვის გამოყენებული მეთოდი და მატერიალურ-ტექნიკური ბაზა. შედარებითი ანალიზი - რითი განსხვავდება მოცემული სამაგისტრო ნაშრომი წინა კვლევებისაგან. შესავლის მოცულობა, სასურველია არ აღემატებოდეს 2-3 გვერდს.

ტექსტის ძირითადი ნაწილი - ძირითადი ტექსტი იყოფა თავებად და პარაგრაფებად. თავები გადაინომრება თანმიმდევრულად და დასახელებისგან გამოიყოფა წერტილებით. პარაგრაფს დაესმის თავისა და პარაგრაფის ნომრები.

შესავალი, თითოეული თავი და დასკვნა უნდა დაიწყოს ახალი გვერდიდან. თავის დასახელება იწერება 16-იანი ზომი შრიფტით.

დასკვნა – წარმოადგენს სამაგისტრო ნაშრომის კვლევის ძირითადი თეორიული და პრაქტიკული შედეგების ნაწილს, რომელშიც მოკლედ აისახება კვლევის შედეგების თეორიული მნიშვნელობა და პრაქტიკული ღირებულება და გამოყენების პერსპექტივები.

გამოყენებული ლიტერატურა – გამოყენებული ლიტერატურის მიმართ გასათვალისწინებელი მოთხოვნები: სამაგისტრო ნაშრომი უნდა გაფორმდეს ამერიკის ფსიქოლოგთა ასოციაციის APA ციტირების სტილით (იხილეთ ბმული: <http://www.waikato.ac.nz/library/study/referencing/styles/apa/examples/books>).

გაფორმება

- სამაგისტრო ნაშრომი აკრეფილი უნდა A4 ზომის სტანდარტულ ფურცელზე;
- ელექტრონულ ვერსია წარმოდგენილი უნდა იყოს Microsoft Word-ის ფორმატში (doc. გაფართოებით). დოკუმენტის სახელწოდება უნდა იყოს MA Thesis და ავტორის გვარი (მაგ.: MA Thesis.Kapanadze);
- შესაძლო შრიფტის სახე – Sylfaen;
- შრიფტის ზომა – 12;
- სტრიქონებს შორის მანძილი – 1,5 ინტერვალი;
- ფურცლის არესა და ტექსტს შორის მანძილი: მარცხნიდან - 3 სმ, მარჯვნიდან – 1 სმ, ზემოდან – 2,5 სმ, ქვემოდან – 2.5 სმ;
- ნაშრომის მოცულობა – არანაკლებ 40 გვერდისა, ხოლო ჯგუფური პროექტის შემთხვევაში, არანაკლებ 70 გვერდისა გრაფიკების, ცხრილებისა და სხვა ვიზუალური მასალის გარეშე.

დამტკიცებულია: სოციალურ და პოლიტიკურ მეცნიერებათა ფაკულტეტის საბჭოს 2017 წლის 25 მაისის სხდომაზე (ოქმი #3)

ცვლილებები შეტანილია: სოციალურ და პოლიტიკურ მეცნიერებათა ფაკულტეტის საბჭოს 2018 წლის 30 ნოემბრის სხდომაზე (ოქმი #7)

ცვლილებები შეტანილია: სოციალურ და პოლიტიკურ მეცნიერებათა ფაკულტეტის საბჭოს 2020 წლის 13 თებერვალი სხდომაზე (ოქმი #1)